

CONVOCATORIA DE AXUDAS JUAN DE LA CIERVA

2015

Procedemento para a formulación da Oferta de Prazas da USC

No Boletín Oficial do Estado de 7 de decembro de 2015 publicáronse as convocatorias de axudas **JUAN DE LA CIERVA-FORMACIÓN** e **JUAN DE LA CIERVA-INCORPORACIÓN** no marco do Plan Estatal de Investigación Científica e Técnica e de Innovación 2013-2016.

PRAZO DE PRESENTACIÓN DAS SOLICITUDES

Os prazos para a cumprimentación e sinatura polos **investigadores** do formulario electrónico de solicitude do Ministerio será:

JUAN DE LA CIERVA-FORMACIÓN, dende o 13 de xaneiro de 2016 ata o 03 de febreiro de 2016 ás 15,00 horas (Hora peninsular).

JUAN DE LA CIERVA-INCORPORACIÓN, dende o 11 de xaneiro de 2016 ata o 01 de febreiro de 2016 ás 15,00 horas (Hora peninsular).

As solicitudes dos investigadores entregaranse, xunto coa documentación indicada mais abaixo, na Oficina de Investigación e Tecnoloxía (campus de Santiago/Lugo), nos seguintes prazos

JUAN DE LA CIERVA-FORMACIÓN, Antes das 14,00 horas do 5 de febreiro de 2016.

JUAN DE LA CIERVA-INCORPORACIÓN, Antes das 14,00 horas do 3 de febreiro de 2016.

2. COFINANCIAMENTO

Segundo a actual convocatoria os contratos que se formalicen terán que ser cofinanciados anualmente por un importe igual á diferenza entre o financiamento do ministerio e o custo real do contrato. A Xunta de Galicia expresou o seu compromiso de cofinanciar todos os contratos que se formalicen.

3. REQUISITOS DOS CANDIDATOS JUAN DE LA CIERVA-FORMACIÓN

Os investigadores candidatos deberán reunir os requisitos establecidos no artigo 42 da convocatoria específica do subprograma **Juan de la Cierva-Formación**.

<http://www.boe.es/boe/dias/2015/12/07/pdfs/BOE-A-2015-13308.pdf>

Non obstante, deberase ter en conta o seguinte:

Debe solicitar a incorporación nun centro de I+D distinto a aquel no que realizaron a súa formación predoutoral.

Un mesmo investigador unicamente poderá ser incluído como candidato na solicitude dun Centro de I+D.

Un investigador titor soamente pode figurar como tal nunha única solicitude. Enténdese por investigador titor aquel que será o responsable directo da tutela e orientación do desenvolvemento profesional do candidato.

Estar en posesión do grao de doutor.

No caso dos solicitantes da quenda de acceso xeral, a data de obtención do grao de doutor debe estar comprendida entre o día **1 de xaneiro de 2014 e o 31 de decembro de 2015**. Entenderase como data de obtención do grao de doutor, a data do acto de defensa e aprobación da tese doutoral. Cando concorran algunhas das situacións que se citan no artigo 42 da convocatoria aplicarase unha ampliación da data límite inferior para a obtención do grao de doutor.

Non ter presentado solicitude de participación ás axudas RAMÓN Y CAJAL ou ás axudas JUAN DE LA CIERVA-INCORPORACIÓN, na presente convocatoria, á data de remate do prazo de presentación de solicitudes para estas axudas indicada no artigo 9 da convocatoria.

Non ter sido beneficiario dunha axuda das convocatorias anteriores das actuacións Juan de la Cierva, Formación Posdoutoral, Juan de la Cierva-Formación o Juan de la Cierva-Incorporación. Entendese por beneficiario desta actuación a aquel investigador incluído nalguna das resolucións de concesión de convocatorias anteriores de dita actuación, independentemente de que teña chegado ou non a incorporarse a un centro de I+D.

4. PROCEDIMIENTO DE PRESENTACIÓN DE SOLICITUDES

O INVESTIGADOR CANDIDATO deberá:

A.-CUMPRIMENTAR o formulario electrónico de solicitude empregando os medios telemáticos que o Ministerio pon á súa disposición no seguinte enderezo electrónico:

<http://www.idi.mineco.gob.es/portal/site/MICINN/menuitem.dbc68b34d11ccbd5d52ffeb801432ea0/?vgnextoid=a7fd498e15861510VgnVCM1000001d04140aRCRD&vgnnextchannel=11f35656ecfee310VgnVCM1000001d04140aRCRD>

Anexando electronicamente a seguinte documentación:

Currículo vitae do candidato. Se cumprimentará empregando o currículo en formato Currículo Vitae Normalizado (CVN) a través da páxina web <https://cvn.fecyt.es/>, xenerando preferiblemente a versión en inglés.

Historial científico-técnico dos últimos cinco anos do equipo de investigación no que se integrará o candidato, con especial referencia aos méritos do investigador titor do candidato. O equipo de investigación será o composto polo persoal investigador que desenvolva a liña de investigación na que se integrará o candidato. Deberá incluír a capacidade formativa pre e posdoutoral do equipo de investigación así como aquelas actividades ou programas formativos que se desenvolvan no seo do mesmo. Recomendase o uso do modelo dispoñible para esta actuación na páxina web do mineco, preferiblemente en inglés.

Copia do pasaporte en vigor, unicamente no caso dos cidadáns estranxeiros non residentes en territorio español.

Copia do título de doutor ou da certificación académica, onde figure indicación expresa da data na que se obtivo o grao de doutor.

Os solicitantes que se acollan aos supostos de interrupción contemplados no artigo 42.1.b) deben facelo constar expresamente no formulario de solicitude e achegar documento acreditativo.

Os solicitantes que participen na quenda de persoas con discapacidade deben facelo constar no formulario de solicitude do investigador candidato e achegar documento acreditativo dun grao de discapacidade igual ou superior ao 50%.

B.- ACHEGAR, á Oficina de Investigación e Tecnoloxía (Campus de Santiago/Lugo) **antes das 14 horas do día 05 de febreiro de 2016**, os documento que xenere automaticamente a aplicación telemática.

MOI IMPORTANTE. A documentación anterior será entregada xunto co **documento de aceptación de presentación da axuda** que pode atopalos no seguinte enderezo electrónico:

http://imaisd.usc.es/ftp/oit/documentos/1730_gl.doc

5. REQUISITOS DOS CANDIDATOS JUAN DE LA CIERVA INCORPORACIÓN

Os investigadores candidatos deberán reunir os requisitos establecidos no artigo 72 da convocatoria específica do subprograma Juan de la Cierva-Incorporación.

<http://www.boe.es/boe/dias/2015/12/07/pdfs/BOE-A-2015-13308.pdf>

Non obstante, deberase ter en conta o seguinte:

Un mesmo investigador unicamente poderá ser incluído como candidato na solicitude dun Centro de I+D.

Un investigador titor soamente pode figurar como tal nunha única solicitude. Enténdese por investigador titor aquel que será o responsable directo da tutela e orientación do desenvolvemento profesional do candidato.

Estar en posesión do grao de doutor

No caso dos solicitantes da quenda de acceso xeral, a data de obtención do grao de doutor debe estar comprendida entre o día 1 de xaneiro de 2011 e o 31 de decembro de 2013. Entendese como data de obtención do grao de doutor, a data de defensa e aprobación da tese doutoral. Cando concorran algunhas das situacións que se citan no artigo 72 da convocatoria aplicarase unha ampliación da data límite inferior para a obtención do grao de doutor.

Non ter presentado solicitude de participación ás axudas RAMÓN Y CAJAL na presente convocatoria, á data de remate do prazo de presentación de solicitudes para estas axudas indicada no artigo 9 da convocatoria.

Non ter sido beneficiario dunha axuda das convocatorias anteriores das actuacións Ramón y Cajal ou Juan de la Cierva-Incorporación. Entendese por beneficiario desta actuación a aquel investigador incluído nalgunha das resolucións de concesión de convocatorias anteriores de dita actuación, independentemente de que teña chegado ou non a incorporarse a un centro de I+D.

Non ser beneficiario dunha axuda do Subprograma Juan de la Cierva, das axudas Juan de la Cierva-Formación ou das axudas para a Formación Posdoutoral, agás daqueles que a

disfrutasen alúmenos un ano. Este período contabilizarase dende a data de incorporación efectiva ao centro de I+D ata o 1 de xuño de 2016, excluíndose desa contabilidade as suspensións do contrato. Entendese por beneficiario de calquera das actuacións mencionadas a aquel investigador incluído nalgunha das resolucións de concesión de convocatorias anteriores de ditas actuacións, independentemente de ter chegado ou non a incorporarse ao centro de I+D. Non se considerarán beneficiarios aqueles investigadores que en data anterior á da publicación no BOE da presente resolución de convocatoria manifestasen expresamente a súa renuncia a tales axudas.

6. PROCEDEMENTO DE PRESENTACIÓN DE SOLICITUDES

O INVESTIGADOR CANDIDATO deberá:

A.-CUMPRIMENTAR o formulario electrónico de solicitude empregando os medios telemáticas que o Ministerio pon á súa disposición no seguinte enderezo electrónico:

<http://www.idi.mineco.gob.es/portal/site/MICINN/menuitem.dbc68b34d11ccbd5d52ffeb801432ea0/?vgnextoid=a7fd498e15861510VqnVCM1000001d04140aRCRD&vgnnextchannel=11f35656ecfee310VqnVCM1000001d04140aRCRD>

Anexando electronicamente a seguinte documentación:

Currículo vitae do candidato. Cumprimentarase empregando o currículo en formato Currículo Vitae Normalizado (CVN) a través da páxina web <https://cvn.fecyt.es/>, xenerando preferiblemente a versión en inglés.

Historial científico-técnico dos últimos cinco anos do equipo de investigación no que se integrará o candidato, con especial referencia aos méritos do investigador titor do candidato. O equipo de investigación será o composto polo persoal investigador que desenvolva a liña de investigación na que se integrará o candidato, deberá incluír a capacidade formativa pre e posdoutoral do equipo de investigación así como aquelas actividades ou programas formativos que se desenvolvan no seo do mesmo, recomendase o uso do modelo dispoñible para esta actuación na páxina web do mineco, preferiblemente en inglés.

Copia do pasaporte en vigor, unicamente no caso dos cidadáns estranxeiros non residentes en territorio español

Copia do título de doutor ou da certificación académica, onde figure indicación expresa da data na que se obtivo o grao de doutor.

Os solicitantes que se acollan aos supostos de interrupción contemplados no artigo 72.1.a) deben facelo constar expresamente no formulario de solicitude e achegar documento acreditativo.

Os solicitantes que participen na quenda de persoas con discapacidade deben facelo constar no formulario de solicitude e achegar documento acreditativo dun grao de discapacidade igual ou superior ao 50%.

B.- ACHEGAR, á Oficina de Investigación e Tecnoloxía (Campus de Santiago/Lugo) **antes das 14 horas do día 03 de febreiro de 2016**, os documento que xenere automaticamente a aplicación telemática.

MOI IMPORTANTE. A documentación anterior será entregada xunto co **documento de aceptación de presentación da axuda** que pode atopalos no seguinte enderezo electrónico:

http://imaisd.usc.es/ftp/oit/documentos/1730_gl.doc

6. CONSULTAS

Para consultar calquera dubida sobre a convocatoria poderá poñerse en contacto:

Consultas de carácter xeneral:

MINECO: 902218600/ 911754175

Consultas: <http://www.idi.mineco.gob.es/portal/site/MICINN/contacto>

OIT-USC: Extensións 16215, 16213

A Vicerreitoría de Investigación e Innovación quere agradecer a todos os investigadores a súa comprensión e colaboración neste proceso, confiando poidan entender que os requirimentos establecidos soamente pretenden asegurar o cumprimento das esixencias establecidas polo Ministerio na convocatoria.

Santiago de Compostela, 17 de decembro de 2015
A Vicerreitoría de Investigación e Innovación